



## **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Cap. XI. Gregorius XV. anno 1622. confirmat Decretum, quod vnaquæque  
domus Congregationis Oratorij se ipsam per se regat, nec plures insimul  
vniri valeant; & statuit vt in quolibet loco non nisi vna ...

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)



## CAPVT XI.

GREGORIUS XV. Ann. 1622 CONFIRMAT decretum, quod vnaquaque domus Congregationis Oratorij se ipsam per se regat, nec plures in simul vniri valeant, & statuit vt in quolibet loco non nisi vna domus erigi possit, nec locorum Ordinarij vllam dictæ Congregationis domum, nisi iuxta statutorum eiusdem formam, visitare possint.

GREGORIUS Papa XV. ad perpetuam rei memoriam. Ex iniuncto nobis desuper Apostolicæ seruitutis officio, his, quæ pro Congregationum quarumlibet, ad diuini nominis laudem & gloriam, ac populorum ædificationem animarumque salutem prouidè sancteque institutarum, ac personarum in eis pijs exercitijs, atque Altissimi obsequijs vacantium felici regimine, statuta & ordinata sunt, vt firma perpetuò remaneant, Apostolicæ confirmationis robur libenter adiicimus, aliasque disponimus, prout conspiciamus in Domino salubriter expedire. Cum itaque, sicut accepimus, inter statuta dilectorum filiorum Presbyterorum Congregationis Oratorij, in Ecclesia B. Mariæ in Vallicella nuncupatæ de Vrbe, à S. Philippo Nerio institutæ, per felicis recordationis Paulum Papam V. prædecessorem nostrum approbatæ & confir-



confirmata, infra scriptum reperiat, tenoris subsequens, videlicet: *Statutum est, ne Congregatio alibi vllum locum recipiat, neque alterius Congregationis regenda suscipiat onus: si qua verò aliorum locorum collegia & Congregationes nostra instituta obtinuerint & seruare voluerint, non sint illa quidem nostrae annexa, neque Clerici eorum sint è Congregatione Oratorij Romani, quemadmodum esse debet, instituti, vt vnaquaque domus ac familia, nostrae formam imitata, separatim ab alijs, se per se regat, ac moderetur.* Nos attendentes Statuti huiusmodi obseruantiam, dictae Congregationis manutentioni admodum necessariam fore; idcirco motu proprio, & ex certa scientia, ac matura deliberatione, nostris statutum insertum praedictum Apostolica auctoritate, tenore praesentium, perpetuò approbamus & confirmamus, illique inuolabilis Apostolicae firmitatis robur adijcimus, ac omnes & singulos tam iuris quam facti defectus, si qui desuper quomodolibet interuenerint, supplemus. Inhibentes propterea; sub excommunicationis alijsque sententijs, centuris, & pœnis ecclesiasticis, arbitrio nostro infligendis, ne plures dictae Congregationis domus, neque tamquam principales, neque tamquam membra à se inuicem dependentia, in simul vniri, & in quavis

G

ciui-



ciuitate, terra, seu loco plusquam vna domus dictæ Congregationis erigi seu institui possit. Quocirca vniuersis & singulis locorum Ordinarijs, ne vllam dictæ Congregationis domum, nisi iuxta statutorum prædictorum formam & tenorem, nec aliter, nec alio modo visitare, minusve quouis casu pro tempore contingente, ac sub quouis prætextu aut quæsito colore, aliquam ipsius Congregationis personam è dicta Congregatione extrahere, aut ab obseruatione sui instituti remouere audeant seu præsumant, auctoritate & tenore præsentis interdiciamus, & prohibemus. Decernentes præsentis litteras perpetuò validas, firmas & efficaces existere, & fore: suosque plenarios, & integros effectus sortiri, & obtinere, ac irritum & inane, si secus super his à quoquam, quouis auctoritate, scienter vel ignoranter, contigerit attentari. Non obstantibus quibusuis Constitutionibus & Ordinationibus Apostolicis, priuilegijs quoque, Indultis, & litteris Apostolicis, eisdem locorum Ordinarijs, & quibusuis alijs personis, sub quibuscumque tenoribus & formis, ac cum quibusuis clausulis & decretis, in contrarium præmissorum quomodolibet concessis, confirmatis, & inuouatis. Quibus omnibus & singulis eorum

rum



rum omnium tenor præsentibus pro plenè & sufficienter expressis, & ad verbum insertis habentes, illis aliàs in suo robore permansuris, hac vice dumtaxat specialiter & expressè derogamus, cæterisque contrarijs quibuscumque. Datum Romæ apud Sanctam Mariam sub annulo Piscatoris die 8. Iulij, M. DC. XXII. Pontificatus nostri anno secundo. S. Card. S. Susannæ.

---

C A P V T XII.

Oratoria per Italiam & Galliam exstructa, instar Romani.

Neapolitanum, operâ Francisci Mariæ Taurusij, anno 1586 eò ab Hannibale Capua Archiepiscopo euocati, exstructum. *Napoli.*

Septempedanum in Piceno. *San Seuerino.*

Anxanum Oratorium anno 1598. conditum.

Anxanum Seminarium adolescentum indigenarum.

Lucense à Republica Lucensi exstructum. *Lucca.*

Firmanum. *Fermo.*

Panormitanum in Sicilia. *Palermo.*

Ⓒ 2 *Camer-*